


韓非子


十七之十八



庫文閣内	
内閣文庫	
番號	漢 2543
冊數	8 (7)
函號	300 38


清家二考





韓子卷之十七

難勢



此篇五反首言賢人必待勢而後行次轉則言勢必得賢人而後用三轉謂賢勢相則言勢則不肖不能亂勢亂則賢不能治未又言有勢則中主亦可以馭之既不待賢聖一幹而技葉扶蘇縱橫變化文既奇偉事理亦尽先秦之文如此

慎子曰飛龍乘雲騰蛇遊霧雲罷霧霽而龍蛇與蟪蛄同矣則失其所乘也故賢人而誦於不肖者則權輕位卑也不肖而能服乎賢者則權重位尊也堯為匹夫不能治三人而桀為天子

淺草文庫

能亂天下吾以此知勢位之足恃而賢智之不足慕也夫弩弱而矢高者激於風也身不肖而令行者得助於衆也堯教於隸屬而民不聽至於南面而王天下令則行禁則止由此觀之賢智未足以服衆而勢位足以任賢者也

應慎子曰飛龍乘雲騰蛇遊霧吾不以龍蛇為不託於雲霧之勢也雖然夫擇賢而專任勢足以為治乎則吾未得見也夫有雲霧之勢而能乘遊之者龍蛇之材美也今雲盛而螾弗能乘

也霧醲而螳不能遊也夫有盛雲醲霧之勢而不能乘遊者螾螳之材薄也今桀紂南面而王天下以天子之威為之雲霧而天下不免乎大亂者桀紂之材薄也且其人以堯之勢治天下何以異桀之勢亂天下也夫勢者非能必使賢者用已而不肖者不用已也賢者用之則天下治不肖者用之則天下亂人之情性賢者寡而不肖者衆而以威勢之利濟亂世之不肖人則是以勢亂天下者多以勢治天下者寡矣夫勢

者便治而利亂者也故周書曰毋為虎傳翼將
飛入邑擇人而食之夫乘不肖人於勢是為虎
傳翼也桀紂為高臺深池以盡民力為炮烙以
傷民性桀紂得成肆行者南面之威為之翼也
使桀紂為匹夫末始一行而身在刑戮矣勢者
養虎狼之心而成暴亂之事者也此天下之大
患也勢之於治亂本末有位也而語專言勢之
足以治天下者則其智之所至者淺矣夫良馬
固車使臧獲御之則為人笑王良御之而日取

千里車馬非異也或至乎千里或為人笑則巧
拙相去遠矣今以國位為車以勢為馬以號令
為轡以刑罰為鞭策使堯舜御之則天下治桀
紂御之則天下亂則賢不肖相去遠矣夫欲追
速致遠不知任王良欲進利除害不知任賢能
此則不知類之患也夫堯舜亦治民之王良也
復應之曰其人以勢為足特以治官客曰必待
賢乃治則不然矣夫勢者名一而變無數者也
勢必於自然則無為言於勢矣吾所為言勢者

言人之所設也今日堯舜得勢而治桀得勢而
亂吾非以堯桀為不然也雖然非一人之所得
設也夫堯舜生而在上位雖有十桀紂不能亂
者則勢治也桀紂亦生而在上位雖有十堯舜
而亦不能治者則勢亂也故曰勢治者則不可
亂而勢亂者則不可治也此自然之勢非人之
所得設也若吾所言謂人之所得勢也而已矣
賢何事焉何以明其然也客曰人有鬻矛与楯
者譽其楯之堅物莫能陷也俄而又譽其矛曰

吾矛之利物無不陷也有應之曰以子之矛陷子
之楯何如其人弗能應也以為不可陷之楯
与無不陷之矛為名不可兩立也夫賢之為勢
不可禁而勢之為道也無不禁以不可禁之勢
与無不禁之道此矛楯之說也夫賢勢之不相
容亦明矣且夫堯舜桀紂千世而一出是比肩
隨踵而生也世之治者不絕於中吾所以為言
勢者中也中者中者中主也上不及堯舜而下亦不
為桀紂抱法處勢則治背法去勢則亂今廢勢

背法而待堯舜堯舜至乃治是千世乱而一治也抱法處勢而待桀紂桀紂至乃乱是千世治而一乱也且夫治千而乱一与治一而乱千也是猶乘驥駟而分馳也相去亦遠矣夫棄隱括之法去度量之數使奚仲為車不能成一輪無慶賞之勸刑罰之威釋勢委法堯舜戶說而人辯之不能治三家夫勢之足用亦明矣而曰必待賢則亦不然矣且夫百日不食以待梁肉餓者不活今待堯舜之賢乃治當世之民是猶待

梁肉而救餓之說也夫曰良馬固車臧獲御之則為人笑王良御之則日取乎千里吾不以為然夫待越人之善海游者以救中國之溺人越人善游矣而溺者不濟矣夫待古之王良以馭今之馬亦猶越人救溺之說也不可亦明矣夫良馬固車五千里而一置使中手御之追速致遠可以及也而千里可日致也何必待古之王良乎且御非使王良也則必使臧獲馭之治非使堯舜也則必使桀紂亂之此味非飴蜜也必苦菜

萊亭歷也此則積辯累辭離理失術兩末之
議也奚可以難夫道理之言乎哉客議未及
此論也

問辯

務在破學士之言
而伸其刻核之說

或問曰辯安生乎對曰生於上之不明也問者
曰上之不明因生辯也何哉對曰明主之國令
者言最貴者也法者事最適者也言無二貴法
不兩適故言行而不軌於法令者必禁若其無

法令而可以接詐應變生利揣事者上必采其
言而貴其實言當則有大利不當則有重罪是
以愚者畏罪而不敢言智者無以訟此所以無
辯之故也乱世則不然主上有令而民以文學
非之官府有法民以私行矯之人主顧漸音參
沒也
其法令而遵學者之智行此世之所以多文學
也夫言行者以功用為之的穀者也夫砥礪殺
矢而以妄發其端未嘗不中秋毫也然而不可
謂善射者無常儀的也設五寸之的引十步之

遠非羿逢蒙不能必中者有常也故有常則羿逢蒙以五寸的為巧無常則以妄發之中秋毫為拙今聽言觀行不以功用為之的穀言雖至察行雖至堅則妄發之說也是以亂世之聽言也以難知為察以博文為辯其觀行也以離羣為賢以犯上為抗人主者說辯察之言尊賢抗之行故夫作法術之人立取舍之行別辯爭之論而莫為之正是以儒服帶劍者衆而耕戰之士寡堅白無厚之詞章而憲令之法息故曰上

不明則辯生焉

問田

徐渠問田鳩曰臣聞智士不襲下而遇君聖人不見功而接上今陽成義渠明將也而措於毛伯公孫亶回聖相也而闡於州部何哉田鳩曰此無他故異物主有度上有術之故也且足下獨不聞楚將宋觚而失其政魏相馮離而亡其國二君者驅於聲詞眩乎辯說不試於毛伯不闡乎州部故有失政亡國之患由是觀之夫無

毛伯之試州部之闡豈明主上之備哉
堂谿公謂韓子曰臣聞服禮辭讓全之術也脩
行退智遂之道也今先生之法術設度數臣竊
以為危於身而殆於軀何以効之所聞先生術
曰楚不用吳起而削亂秦行商君而富彊二子
之言已當矣然而吳起支解而商君車裂者不
逢世遇主之患也逢遇不可必也患禍不可斥
也夫舍乎全遂之道而肆乎危殆之行竊為先
先無取焉韓子曰臣明先生之言也夫治天下

之柄齊民萌之度甚未易處也然所以廢先王
之教而行賤臣之所取者竊以為立法術設度
數所以利民萌便衆庶之道也故不憚亂主闇
上之患禍而必思以齊民萌之資利者仁智之
行也憚亂主闇上之患禍而避乎死亡之害知
明而不見民萌之資利者貪鄙之為也臣不忍
嚮貪鄙之為不敢傷仁智之行先生有幸臣之
意然有大傷臣之實

定法

申不害相韓主術商君相秦
主法二家之後遂為韓非也

問者曰申不害公孫鞅此二家之言孰急於國
應之曰是不可程也人不食十日則死大寒之
隆不衣亦死謂之衣食孰急於人則是不可一
無也皆養生之具也今申不害言術而公孫鞅
為法術者因任而授官循名而責實操殺生之
柄課群臣之能者也此人主之所執也法者憲
令著於官府刑罰必於民心賞存乎慎法而罰
加乎姦令者也此人臣之所師也君無術則弊

於上臣無法則亂於下此不可一無皆帝王之
具也問者曰徒術而無法徒法而無術其不可
何哉對曰申不害韓昭侯之佐也韓者晉之別
國也晉之故法未息而韓之新法又生先君之
令未收而後君之令又下申不害不擅其法不
一其憲令則姦多故利在故法前令則道之利
在新法後令則道之新故相反前後相悖則申
不害雖十使昭侯用術而姦臣猶有所譎其辭
矣故託萬乘之勁韓七十年而不至於霸王者

雖用術於上法不勤飾於官之患也公孫鞅之
治秦也設告相坐而責其實連什伍而同其罪
賞厚而信刑重而必是以其民用力勞而不休
逐敵危而不却故其國富而兵彊然而無術以
知姦則以其富彊也資人臣而已矣及孝公商
君死惠王卽位秦法未敗也而張儀以秦殉韓
魏惠王死武王卽位甘茂以秦殉周武王死昭
襄王卽位穰侯越韓魏而東攻齊五年而秦不
益尺土之地乃城其陶邑之封應侯攻韓八年

城其汝南之封自是以來諸用秦者皆應穰之
類也故戰勝則大臣尊益地則私封立主無術
以知姦也商君雖十飾其法人臣反用其資故
乘彊秦之資數十年而不至於帝王者法不勤
飾於官主無術於上之患也問者曰主用申子
之術而宦行商君之法可乎對曰申子未盡於
法也申子言治不踰官雖知弗言治不踰官謂
之守職可也知而弗言是謂過也人主以一國
目視故視莫明焉以一國耳聽故聽莫聽焉

今知而弗言則人主尚安假借矣商君之法曰斬
一首者爵一級欲為官者為五十石之官斬二
首者爵二級欲為官者為百石之官官爵之遷
與斬首之功相稱也今有法曰斬首者令為醫
匠則屋不成而病不已夫匠者手巧也而醫者
劑藥也而以斬首之功為之則不當其能今治
官者智能也今斬首者勇力也以勇力之所加
而治智能之官是以斬首之功為醫匠也故曰
二子之於法術皆未盡善也

說疑

此篇專論今世之權臣情狀著明心術微
矧弒君傾國之由說盡姦臣態度先將自
古人臣賢不肖說起

凡治之大者謂其賞罰之當也賞無功之人罰
不辜之民非所謂明也賞有功罰有罪而不失
其當乃在於人者也功罪在人非能生功止過者也
我無是故禁姦之法太上禁其心其次禁其言
與焉其次禁其事今世皆曰尊主安國者必以仁義
智能而不知卑主危國者之必以仁義智能也

故有道之主遠仁義去智能服之以法是以譽
廣而名威民治而國安知用民之法也凡術也
者主之所執也法也者官之所師也然使郎中
日聞道於郎門之外以至於境內日見治又非
其難者也昔者有扈氏有失度謹堯氏有孤男
三苗有成駒桀有侯侈紂有崇侯虎晉有狐偃
施此六人者亡國之臣也言是如非言非如是
內險以賊其外小謹以徵其善稱道往古使良
事沮善禪其主以集精微亂之以其所好此夫

郎中左右之類者也往世之主有得人而身安
國存者有得人而身危國亡者得人之名一也
而利害相千萬也故人主左右不可不慎也為
人主者誠明於臣之所言則別賢不肖如黑白
矣若夫許由續牙晉伯陽秦顛頡衛僑如狐不
稽重明董不識卞隨務光伯夷叔齊此十二人
者皆上見利不喜下臨難不恐或与之天下而
下取有卑辱之名則不樂食穀之利夫見利不
喜上雖厚賞無以勸之臨難不恐雖上嚴刑無

以威之此之謂不令之民也此十二人者或伏
死於窟穴或槁死於草木或饑餓於山谷或沉
溺於水泉有民如此先古聖王皆不能臣當今
之世將安用之若夫鬪龍逢王子比干隨季梁
陳泄冶楚申胥吳子胥此六人者皆疾爭彊諫
以勝其君言聽事行則如師徒之合一言而不
聽一事而不行則陵其主以語從之以其威雖
身死家破要領不屬手足異處不難為也如此
臣者先古聖王皆不能忍也當今之時將安用

之若夫齊田恒宋子罕魯季孫意如晉僑如衛
子南鄭太宰欣楚白公周單荼燕子之此九人
者之為其臣也皆朋黨比周以事其君隱正道
而行私曲上偪君下亂治援外以撓內親下以
謀上不難為也如此臣者唯聖王智主能禁之
若夫昏亂之君能見之乎若夫后稷臯陶伊尹
周公旦太公望管仲隰朋百里奚蹇叔舅犯趙
襄范蠡大夫種逢同華登此十五人者其為臣
也皆夙興夜寐卑身賤體竦心意明刑辟治官

職以事其君進善言通道法而不敢矜其善有
成功之事而不敢伐其勞不難破家以便國殺
身以安主以其主為高天泰山之尊而以其身
為壑谷黼洧之卑主有明名廣譽於國而身不
難受壑谷黼洧之害如此臣者雖當昏亂之主
尚可致功况於顯明之主乎此謂霸王之佐也
若夫周滑伯鄭王孫申陳公孫寧儀行父荆芊
尹申亥隨少師越種千吳王孫頌晉陽成泄齊
豎刁易牙此十二人者之為其臣也皆思小利

而忘法義進則揜蔽賢良以陰闇其主退則撓
亂百官而為禍難皆輔其君共其欲苟得一說
於主雖破國殺衆不難為也有臣如此雖當聖
王尚恐奪之而况昏亂之君其能無失乎有臣
如此者皆身死國亡為天下笑故周威公身殺
國分為二鄭子陽身殺國分為三陣靈公身死
於夏徵舒氏荆靈王死於乾谿之上隨亡於荆
吳并於越知伯滅於晉陽之下桓公身死七日
不收故曰諂諛之臣唯聖王知之而亂主近之

故至身死國亡聖王明主則不然內舉不避親
外舉不避讐是在焉從而舉之非在焉從而罰
之是以賢良遂進而姦邪並退故一舉而能服
諸侯其在記曰堯有丹朱而舜有商均啓有五
觀商有太甲武王有管蔡五王之所誅者皆父
兄弟之親也而所殺亡其身殘破其家者何
也以其害國傷民敗法圯類也觀其所舉或在
山林藪澤巖穴之間或在囹圄縲紲纏索之中
或在割烹芻牧飯牛之事然而明主不羞其卑

賤也以其能可以明法便國利民從而舉之身
安名尊亂主則不然不知其臣之意行而任之
以國故小之名卑地削大之國亡身死不明於
用臣也夫無數以度其臣而以衆人之口斷之
衆之所譽從而悅之衆之所非從而憎之故為
人臣者破家殘賫音粹內構黨音粹與外接巷族以
為譽從陰約結以相固也虛相爵祿以相勸且與
我者將利之不與我者將害之衆貪其利劫
其威彼誠喜則能利己忌怒則能害己衆歸而

民雷之以譽盈於國發聞於主不能理其情
因以為賢彼又使譎詐之士外托為諸侯之寵
使假之以輿馬信之以瑞節鎮之以辭令資之
以弊帛使諸侯而滔說其主微挾私而公議所
為使者異國之主也所為談者左右之人也本國
之左右借主說其言而辯其辭以此人者天下
之賢士也內外左右其諷一而語同大者不難
卑身尊位以下之小者高爵重祿以利之夫姦
人之爵祿重而黨与弥衆又有姦邪之意則姦

人愈反而說之曰

他奸人之逢迎者設言

古之

所謂聖王明君者非長幼弱也及以次序也以

其構黨与聚巷族偏上弑君而求其利也彼曰

奸臣何如其然也因曰黨与舜偏堯禹偏舜湯

問也放桀武王伐紂此四王者人臣弑其君者也而

天下譽之察四王之情貪得之意也度其行暴

乱之兵也然四王自廣措也而天下稱大焉自

顯名也而天下稱明焉則威足以臨天下利足

以蓋也天下從之又曰以今時之所聞田成子

取齊司城子罕取宋太宰欣取鄭單氏取周易
牙之取衛韓魏趙三子分晉此六人臣之弑其
君者也姦臣聞此蹙然舉耳以為是也故內構
黨與外摠巷族觀時發事一舉而取國家且夫
內以黨與劫弑其君外以諸侯之權驕易其國
隱正道持私曲上禁君下撓治者不可勝數也
是何也則不明於擇臣也記曰周宣王以來亡
國數十其臣弑君而取國者衆矣則難之從內
起與從外作者相半也能一盡其民力破國殺

身者尚皆賢主也若夫轉法易位全衆傳國最
其病也為人主者誠明於臣之所言則雖畢戈
馳騁撞舞女國猶且存也不明臣之所言雖
節儉勤勞布衣惡食國猶自亡也趙之先君敬
侯不脩德行而好縱欲適身體之所安耳目之
所樂冬日畢戈夏浮滂為長夜數日不廢御觴
不能飲者以甯灌其口進退不肅應對不恭者
輒於前故居處飲食如此其不節也制刑殺戮
如此其無度也然敬侯饗國數十年兵不頓於

敵國地不虧於四隣內無君臣百官之亂外無諸侯隣國之患明於所以任臣也燕君子噲召公奭之後也地方數千里持戟數千萬不安子女之樂不聽鍾石之聲內不堙汙池臺榭外不畢戈田獵又親操耒耨以脩畝畝子噲之苦身以憂民如此其甚也雖古之所謂聖王明君者其勤身而憂世不其於此矣然而子噲身死國亡奪於子之而天下笑之此其何故也不明乎所以任臣也故曰人臣有五姦而主不知也為

人臣者有侈用財貨賂以取譽者有務慶賞賜予以移衆者有務朋黨徇智尊士以擅逞者有務解免赦罪獄以事威者有務奉下直曲恠言偉服瑰稱以眩民耳目者此五者明君之所疑也而聖王之所禁也去此五者則躁詐之人不敢北面談立文言多實行寡而不當法者不敢誣情以談說是以群臣居則脩身動則任力非上之令不敢擅作疾言誣事此聖王之所以牧臣下也彼聖主明君不適疑物以闕其臣也見

疑物而無反者天下鮮矣故曰孽有擬適之子
配有擬妻之妾廷有擬相之臣臣有擬主之寵
此四者國之所危也四者皆疑物也故曰內寵並后外
寵貳政枝子配適大臣擬主亂之道也故周記
曰無尊妾而卑妻無孽適子而尊小枝無尊嬖
臣而匹上卿無尊大臣以擬其主也四擬者破
則上無意下無恠也四擬不破則隕身滅國矣
詭使

詭者相反也謂世主本心欲治而所為常
相反也層層覆說皆慎激之詞總為當

世尊虛名賤法令破士之懷二心私學議
上之法令者一氣說到底文字奇恠不厭
重複愈說愈有味

聖人之所以為治道者三一曰利二曰威三曰
名夫利者所以得民也威者所以行令也名者
上下之所同道也非此三者雖有不急矣今利
非無有也而民不化上威非不存也而下不聽從
官非無法也而治不當名三者非不存也而世
一治一亂者何也大上之所貴常与其所以
為治相反也夫立名號所以為尊也今有賤名

輕實者世謂之高設爵位所以為賤貴基也而
簡上不求見者世謂之賢威利所以行令也而
無利輕威者世謂之重法令所以為治也而不
從法令為私善者世謂之忠官爵所以勸民也
而好名義不進仕者世謂之烈士刑罰所以擅威
也而輕法不避刑戮死亡之罪者世謂之勇夫
民之急名也甚其求利也如此則士之饑餓
乏絕者焉得無巖居苦身以爭名於天下哉故
世之所以不治者非下之罪上失其道也常貴

其所以亂而賤其所以治是故下之所欲常与
上之所以為治相詭也今下而聽其上上之所
急也而惇慤純信用心壹者則謂之窶守法固
聽令審則謂之愚敬上畏罪則謂之怯言時節
行中適則謂之不肖無二心私學聽吏從教者
則謂之陋難致謂之正難予謂之廉難禁謂之
齊有令不聽從謂之勇無利於上謂之愿寬惠
行德謂之仁重厚自尊謂之長者私學成羣謂
之師徒閑靜安居謂之有思損人逐利謂之疾

險躁佻反覆謂之智先為人而後自為類名號
汎愛天下謂之聖言大不稱而不可用行而乖
於世者謂之大人賤爵祿不撓上者謂之傑下
之漸行如此入則亂民出則不使也上宜禁其
欲滅其迹而不止也又從而尊之是教下亂上
以為治也凡上所治者刑罰也今有私行義者
尊社稷之所以立者安靜也而躁險讒諛者任
四封之內所以聽從者信與德也而陂知傾覆
者使令之所以行威之所以立者恭儉也不聽

上而巖居非世者顯倉廩之所以實者耕農之
本務也而綦組錦繡刻畫為末作者富名之所
以成城池之所以廣者戰士也今死戰之孤饑
餓乞於道而優笑酒徒之屬乘車衣絲賞祿所
以盡民力易下死也今戰勝攻取之士勞而賞
不霑而卜筮視手理狐蟲為頌辭於前者日賜
上握度量所以擅生殺之柄也今守度奉量之
士欲以忠嬰上而不得見巧言利辭行姦軌以
倖偷世者數御據法直言名刑相當循繩墨誅

姦人所以為上治也而愈疏遠諂施頌意從欲以危世者近習悉租稅專民力所以避難充倉府也而士卒之逃事伏匿附託有威之門以避徭賦而上不得者萬數夫善田利宅所以厲戰士卒也而斷頭裂腹播骨乎原野者無宅容身身死田奪而女妹有色大臣左右無功者擇宅而受擇田而食賞利一從上出所擅制下也而戰介之士不得職而間居之士尊顯上以此為教名安得無卑位安得無危夫卑名危位者必

下之不從法令有二心務私學反逆世者也而不禁其行不破其群以散其黨又從而尊之用事者過矣上之所以立廉耻者所以屬下也今士大夫不羞汙泥醜辱而宦女妹私義之門不待次而官賞賜所以為重也而戰鬪有功之士貧賤而便辟優徒紹級名號誠信所以通威也而主揜障近習女謁並行百官主爵遷人用事者過矣大臣官人比周不法行威利在下則主卑而大臣重矣夫立法令者以廢私也法令行

而私道廢矣私者所以亂法也而士有二心私
學巖居窳處託伏深慮大者非世細者惑下上
不禁又從而尊之以名化之以實是無功而顯
無勞而富也如此則士之有二心私學者焉得
無深慮勉知詐誹謗法令以求索與世相反者
耶凡亂上反世者常士有二心私學者也故本
言曰所以治者法也所以亂者私也法立則莫
得為私矣故曰道私者亂道法者治上無其道
則智者有私詞賢者有私意上有私惠下無私

欲聖智成群造言作辭以非法令於上上不禁
塞又從而尊之是教下不聽上不從法也是以
賢者顯名而居奸人賴賞而富賢者顯名而居
奸人賴賞而富是以上不勝下也

人情感於拂意之事則憤懣之詞不一而足
言之重詞之複蓋號呼窮極以求舒其不平
之氣而不暇詮次耳如韓子詭使篇不足過曰
賢者顯名而居奸人賴賞而富兩言不足矣乃
至數千言而又多重復不次不如是不足次以
發其憤懣耳故文字不在簡省往復為難次
而不次為尤難次而不次惟深於文者得之

韓子卷之十七終

此六臣者世之所譽也赴險殉誠死節之民而
世少之曰失計之民也寡聞從令全法之民也
而世少之曰撲陋之民力作而食生利之民也
而世少之曰寡能之民也嘉厚純粹整毅之民
也而世少之曰愚戇之民也重命畏事尊上之
民也而世少之曰怯懦之民也挫賊遏姦明上
之民也而世少之曰譎讒之民也此六民者世
之所毀也姦偽無益之民六而世譽之如彼耕
戰有益之民六而世毀之如此此之謂六反布

衣循法利而譽之世主聽虛聲而禮之禮之所
在利必加焉百姓循私害而訾之世主壅於俗
而賤之賤之所在害必加焉故名賞在乎私惡
當罪之民而毀害在乎公善宜賞之士索國之
富彊不可得也

古者有諺曰為政猶沐也雖有棄髮必為之愛
愛棄髮之費而忘長髮之利不知權者也
夫彈痊者痛飲藥者苦為苦憊之故不彈痊飲
藥則身不治病不已矣

今上下之接無子父之澤而欲以行義禁下無
而以道則交必有却矣且父母之於子也產男
義相禁則相賀產女則殺之此俱出父母之懷衽然男
子受賀女子殺之者慮其後便計之長利也故
父母之於子也猶用計算之心以相待也而况
無父子之澤乎

今學者之說人主也皆去求利之心出相愛之
道是求人主之過於父母之親也此不熟於論
思詐而誣也故明主不受也聖人之治也審於

法禁法禁明著則官法必於賞罰賞罰不阿則
民用官官治則國富國富則兵彊而霸王之業
成矣霸王者人主之大利也人主挾大利以聽
治故其任官者當能其賞罰無私使士民明焉
盡力致死則功伐可立而爵祿可致爵祿至而
富貴之業成矣富貴者人臣之大利也人臣挾
大利以從事故其行危至死其力尽而不望此
謂君不仁臣不忠則不可以霸王也
夫姦必知則備必誅則止不知則肆不誅則行

夫陳輕貨於幽隱雖曾史可疑也懸百金於市雖大盜不取也不知則曾史可疑於幽隱必知則大盜不敢攫懸金於市故明主之治國也衆其守而重其罪使民以法禁而不以廉耻母之愛子也倍父父令之行於子也十母吏之於民無愛令之行於民也萬父母父母積愛而令窮吏用威嚴而民聽嚴愛之策亦可決矣且父母之所以求於子也動作則欲其安利也行身則欲其遠罪也君上之於民也有難則用其死安

平則盡其力親以厚愛關子於安利而不聽君以無愛利求民之死力而令行明王知之故不養恩愛之心而增威嚴之勢故母厚愛處子多敗推愛也推行父薄愛教咎子多善用嚴也今家人之治產也相忍以饑寒相彊以苦勞雖犯軍旅之難饑饉之患溫衣美食者必是家也相憐以衣食相惠以佚樂天饑歲荒嫁妻賣子者必是家也故法之為道前苦而長利仁之為道偷樂而後窮聖人權其輕重出其大利故用

法之相忍而棄仁人之相憐也學者之言皆曰
輕刑此亂亡之術也凡賞罰之必者勸禁也賞
厚則所欲之得也疾罰重則所惡之禁也急夫
欲利者必惡害害者利之反也反於所欲焉得
無惡欲治者必惡亂亂者治之反也是故欲治
甚者其賞必厚矣其惡亂甚者其罰必重矣今
取於輕刑者其惡亂不甚也其欲治又不甚也
其欲治又不甚也者此非特無術也又乃無行
是故決賢不肖愚知之分在賞罰之輕重且夫

重刑者非為罪人也

刑寡而懼衆

明主之法揆也治

賊非治所揆也治所揆也者是治死人也刑盜
非治所刑也治所刑也者是治胥靡也故曰重
一姦之罪而止境內之邪此所以為治也重罰
者盜賊也而悼懼者良民也欲治者奚疑於重
刑若夫厚賞者非獨賞功也賞寡而勸衆又勸一國
受賞者甘利未賞者慕業是報一人之功而勸
境內之衆也欲治者何疑於厚賞今不知治者
皆曰重利傷民輕刑可以止姦何必於重哉此

不察於治者也夫以重止者未必以輕止也以
輕止者必以重止矣是以上設重刑者而姦盡
止姦盡止則此奚傷於民也所謂重刑者姦之
所利者細而上之所加焉者大也刑棄民不
以小利蒙大罪故姦必止者也所謂輕刑者姦
之所利者大上之所加焉者小也民慕其利而
傲其罪故姦不止也故先聖有諺曰不躡於山
而躡於垤山者大故人順之垤微小故人易之
也今輕刑罰民必易之犯而不誅是驅國而棄

之也犯而誅之是為民設陷也是故輕罪者民
之垤也以輕罪之為民道也非亂國也則設民
陷也此則可為傷民矣

今學者皆道書策之頌語不察當世之實事曰
上不愛民賦歛常重則用不足而下恐上故天
下大亂以為足其財用而加愛焉雖輕刑罰可以
治也此言不然矣凡人之取重罰固已足之之
後也雖財用足而厚愛之然而輕刑猶之亂
也夫當家之愛子以治家
設喻貨財足用貨財足用

則輕用輕用則侈泰親愛之則不忍不忍則驕
恣侈泰則家貧驕恣則行暴此雖財用足而愛
厚輕利之患也凡人之生也財用足則墮於用
力上治懦則肆於為非財用足而力作者神農
也上治懦而行脩者曾史也夫民之不及神農
曾史亦已明矣

老聃有言曰知足不辱知止不殆夫以殆辱之
故而不求於足之外者老聃也今以為足民而
可以治是以民為皆如老聃也故桀貴在天子

而不足於尊富有四海之內而不足於寶君人
者雖足民不能足使為天子而桀未必以天子
為足也則雖足民何可以為治也故明主之治
國也適其時事以致財物論其稅賦以均貧富
厚其爵祿以盡賢能重其刑罰以禁姦邪使民
以力得富以事致貴以過受罪以功致賞而不念
慈惠之賜此帝王之政也

人皆寐則盲者不知皆默則暗者不知覺而使
之視問而使之對則暗盲者窮矣不聽其言也

則無術者不知不任其身也則不肖者不知聽其言而求其當任其身而責其功則無術不肖者窮矣夫欲得力士而聽其自言雖庸人與焉獲不可別也授之以鼎俎則罷健效矣故官職者能士之鼎俎也任之以事而愚智分矣故無術者得於不用不肖者得於不任言不用而自文以為辯身不任而自飾以為高世主眩其辯濫其高而尊貴之是不須視而定明也不待對而定辯也暗盲者不得矣明主聽其言必責其

用觀其行必求其功然則虛奮之學不談矜誣之行不飾矣

八說

此篇說立法處甚細密句句精神字字斟酌小心之文

為故人行私謂之不棄以公財分施謂之仁人輕祿重身謂之君子枉法曲親謂之有行棄官寵交謂之有俠離世遁上謂之高傲交爭逆令謂之剛材行惠取衆謂之得民不棄者吏有姦也仁人者公財損也君子者民難使也有行者

法制毀也有俠者官職曠也高傲者民不事也
剛材者令不行也得民者君上孤也此八者匹
夫之私譽人主之大敗也反此八者匹夫之私
毀人主之公利也人主不察社稷之利害而用
匹夫之私譽索國之無危亂不可得矣

任人以事存亡治亂之機也無術以任人無所
任而不欺人君之所任非辯智則脩潔也任人
者使有勢也任人而使
居勢位智士者未必信也為多
其智因惑其信也以智士之計處乘勢之資而

為其私急則君必欺焉為智者之不可信也故
任脩士者使斷事也脩士者未必智為潔其身
因惑其智以愚人之所懼處治事之官而為其
所然則事必亂矣故無術以用人任智則君欺
任脩則事亂此無術之患也明君之道賤德義
貴法術倒言而詭使叅聽無門戶人莫能
測也故智
者不得詐欺計功而行賞程能而授事察端而
觀失有遇者罪有能者得故愚者不得任事智
者不敢欺愚者不敢斷則事無失矣

察士然後能知之不可以為令夫民不尽察賢者然後行之不可以為法夫民不尽賢揚朱墨翟天下之所察也千世亂而卒不決雖察而不可以為官職之令鮑焦萃角天下之所賢也鮑焦木枯萃角赴河雖賢不可以為耕戰之士故人主之所察智士尽其辯焉人主之所尊能士尽其行焉今世主察無用之辯尊遠功之行素國之富彊不可得也

博習辯智如孔墨孔墨不耕耨則國何得焉脩

孝寡欲如曾史曾史不戰攻則國何利焉匹夫有私便人主有公利不作而養足不仕而名顯此私便也息文學而明法度塞私便而一功勞此公利也錯法以道民也而又貴文學則民之師法也疑賞功以勸民也而又尊行脩則民之產利也惜夫貴文學以疑法尊行脩以貳功索國之富彊不可得也

播笏干戚不適有方鐵銘

言國軍異器方楯也
銘箭鐵也言播笏之

議干戚之舞与夫方
楯鐵銘不相稱適也

登降周旋不逮日中奏百

百音陌勵也左傳距踴三百古稱行杖人曰五百見後漢曹節傳

當彊弩趨發干城距衝不若埋穴伏橐古人

極於德中世遂於智當今爭於力古者寡事而

備簡撲陋而不尽故有珧音堯而推車者珧音堯屋

即推輪也上古摩屋而轉也古者人寡而相親

物多而輕利易讓故有揖讓而傳天下者然則

行揖讓高慈惠而道仁厚皆推政也處多事之

時用寡事之器非智者之備也當大爭之世而

循揖讓之軌非聖人之治也故智者不乘推車

聖人不行推政也法所以制事事所以名功也

法立而有難權其難而事成則立之事成而有

害權其害而功多則為之無難之法無害之功

天下無有也是以拔千丈之都敗十萬之衆死

傷者軍之乘乘謂其半也甲兵折挫士卒死傷而賀

戰勝得地者出其小害計其大利也夫沐者有

棄髮除者傷血肉為人見其難因釋其業是無

術之事也先聖者言曰規有摩摩者旋而成圓也而水

有波我欲更之無奈之何此通權之言也是以

說有必立而曠於實者言有辭拙而急於用者
故聖人不求無害之言而務無易之事人之不
事衡石者非負廉而遠利也石不能為人多少
衡不能為人輕重求索不能得故人不事也明
主之國官不敢枉法吏不敢為私利貨賂不行
者境內之事盡如衡石也此其臣有姦者必知
知者必誅是以有道之主不求清潔之吏而務
必知之術也

慈母之於弱子也愛不可為前

不能前知
預設也

然而

弱子有僻行使之隨師有惡病使之事醫不隨
師則陷於刑不事醫則疑於死慈母雖愛無益
於振刑救死則存子者非愛也子母之性愛也
臣主之權策也母不能以愛存家君安能以愛
持國明主者通於富彊則可以得欲矣故謹於
聽治富彊之法也明其法禁察其謀計法明則
內無變亂之患計得則外無死虜之禍故存國
者非仁義也仁者慈惠而輕財者也暴者心毅
而易誅者也慈惠則不忍輕財則好与心毅則

憎心見於下易誅則妄殺加於人不忍則罰多
宥赦好予則賞多無功憎心見則下怨其上妄
誅則民將背叛故仁人在位下肆而輕犯禁法
偷幸而望於上暴人在位則法令妄而臣主乖
民怨而乱心生故曰仁暴者皆亡國者也
不能具美食而勸饑人飯不能為活饑者也不
能辟草生粟而勸貸施賞賜不能為富民者也
今學者之言也不務本作而好末事道虛惠以
說民此勸飯之說勸飯之說明主不受也

書約而弟子辯法省而民頌簡是以聖人之書
必著論明主之法必詳事尽思慮揣得失智者
之所難也無思無慮挈前言而責後功愚者之
所易也明主操愚者之所易以責智者之所難
故智慮不用而國治也

酸甘鹹淡不以口斷而決於宰尹則厨人輕君
而重於宰尹矣上下清濁不以耳斷而決於樂
正則瞽工輕君而重於樂正矣治國是非不以
術斷而決於寵人則臣下輕君而重於寵人矣

人主不親觀聽而制斷在下託食於國者也
使人不衣不食而不饑不寒又不惡死則無事
上之意意欲不宰於君則不可使也今生殺之
柄在大臣而主令得行者未嘗有也虎豹必不
用其爪牙而與鼯鼠同威萬金之家必不用其
富厚而與監門同資有土之君說人不能利惡
人不能害索人欲畏重己不可得也
人臣肆意陳欲曰俠人主肆意陳欲曰乱人臣
輕上曰驕人主輕下曰暴行理同實下以受譽

上以得非人臣大得人主大亡明主之國有貴
臣無重臣貴臣者爵尊而官大也重臣者言聽
而力多者也明主之國遷官襲級官爵受功故
有貴臣言不度行而有偽必誅故無重臣也

八經

篇內多恠句譎字蓋言術也韓子嘗曰術者人主之所執群臣不得而知也故多微語故謂之經蓋乱世之文也春秋之末駁國之初恐未至如此然御臣之術盡於八篇

一凡治天下必因人情人情者有好惡故賞罰可

用賞罰可用則禁令可立禁令可立而治道具
矣君執柄以處勢故令行禁止柄者殺生之制
也勢者勝衆之資也廢置無度則權瀆賞罰下
其則威分是以明主不懷愛而聽不雷說而計故
聽言不參則權分手姦智術不用則君窮手
臣故明主之行制也天不可測也其用人也鬼如鬼
密天則不非誰既高不測鬼則不困既陰密誰之陰勢
行教嚴逆而不違雖逆天下不敢毀譽一行而
不議毀譽一行而故賞賢罰暴舉善之至者也
天下不敢議

賞暴罰賢舉惡之至者也是謂賞同罰異賞莫
如厚使民利之譽莫如美使民榮之誅莫如重
使民畏之毀莫如惡使民耻之然後一行其法
禁誅於私家不害公罪賞罰必知之知之道尽
矣

右因情

此下一本有一
曰收智四字

二力不敵衆智不尽物与其用一人不如用一國
用君之一人之智力不如任
衆而用國也故智力敵而羣物勝揣
中則私勞不中則有過下君尽已之能中君尽人

之力上君盡人之智是以事至而結智一聽而公會聽不一則後悖於前後悖於前則愚智不分不公會則猶豫而不斷不斷則事留自取一聽則母墮壑之累故使之諷諷定而不怒是以言陳之由必有筴籍結智者事發而驗結能者功見而謀成敗有徵賞罰隨之事成則君收其功規敗則臣任其罪君人者合符猶不親而沉於力乎事智猶不親而沉於懸乎故非用人也不取同同則君怒使人相用則君神君神則下

盡下盡則臣不因君而主道畢矣

右主道

一曰
結智

三知臣主之異利者王以異為同者劫与共事者殺故明主審公私之分別利害之地女姦乃無所乘亂之所生六也主母后姬子姓兄弟大臣顯賢主母君幼稱制后姬子姓則疆庶適兄弟則公子擅国大臣代主執物者顯賢則虛名掩任吏責臣主母不放廢亂禮施異等后姬不疑分勢不貳庶適不爭不令庶子權籍不失兄弟不侵權柄國籍不下不一門大臣不擁

不令一門專制則不得權禁賞必行顯賢不亂臣有二因謂
內外也外曰畏外臣行威內曰愛所畏之求得
所愛之言聽此亂臣之所因也外國之置諸吏
者誅其親暱重帑則外不籍矣爵祿循功請者
俱罪則內不因矣外不籍內不因則姦宄塞矣
官襲節而進以至大任智也其位至而任大者以
三節持之曰質曰鎮曰固親戚妻子質也爵
祿厚而必鎮也參伍貴帑固也賢者止於質貪
饕化於鎮姦邪窮於固忍不制則下失小不除

則大誅名實當則徑之生害事死傷名則行飲
食不然而與其讐此謂除陰姦也繫曰詭曰易
見功而賞見罪而罰而詭乃止是非不泄說諫
不通而易乃不用父兄賢良播凶曰遊禍其患
隣敵多資僂辱之人近習曰狎賊其患發忿疑
辱之心生藏怒持罪而不發曰增亂其患徼倖
妄率之人起大臣兩重提衡而不躋曰卷禍其
患家隆劫殺之難作脫易不自神曰彈威其患
賊夫醜毒之亂起此五患者人主之不知則有

劫殺之事廢置之事生於內則治生於外則亂
是以明主以功論之內而以利資之外是故國
治而敵亂卽亂亡之道臣憎則起外若眩臣愛
則起內若藥

右起亂

此下一本有一
曰亂起四字

四參伍之道行參以謀多揆伍以責失行參必
折揆伍必怒不折則瀆上不怒則相和折之微
多以知多寡怒之前不及其衆觀聽之勢其微
在此周而賞異誅罰而罪同言會衆端必揆之

以地謀之以天驗之以物參之以人四徵者符
乃可以觀矣參言以知其誠易視以改其澤執
見以得非常一用以務近習重言以懼遠使奉
往以悉其前卽邇以知其內疏置以知其外握
明以問所闇詭使以絕黷泄倒言以賞所疑論
反以得陰姦設陳以綱獨為率錯以觀姦動明
說以誘避過卑適以觀直諂宣聞以通未見作
鬪以散朋黨深一以警衆心泄異以易其慮似
類則合其參陳過則明其固知罪辟罪以止威

陰使時循以省衷漸更以離通比下約以侵其上相室約其廷臣廷臣約約謂相要約其官屬兵士約其軍吏遣使約其行介縣吏約其辟吏郎中約其左右后姬約其宮媛此之謂條達之道言通事泄則術不行

右之道

五明主其務在周密是以喜見見謂不密也不則德償怒見則威分故明王之言隔塞而不通周密而不見故以一得十者下道也以十得一者上道

也一以彼之十得吾之道明主兼行上下故姦無所失伍官連縣而隣謁過賞失過誅上之於下下之於上亦然是故上下貴賤相畏以法相誨以和民之性有生之實有生之名為君者有賢知之名有賞罰之實名實俱至故福善必聞矣

右叅言

六聽不叅則無以責下言不督也主乎用則邪說當上言之為物也以多信不然之物十人云疑百人然乎詞疑千人不可解也訥者言之疑辨者

言之信姦之食上也取資乎衆籍信乎辨而以類飾其私人主不饜忿而待合叅其勢資下也有道之主聽言督其用課其功功課而賞罰生焉故無用之辨不留朝任事者知不足以治職則放官收說大而誇則窮端故姦得而怒無故而不當為誣誣而罪臣言必有報說必責用也故朋黨之言不上聞凡聽之道人臣忠論以聞姦博論以內一人主不智則姦得資明主之道已喜則求其所納已怒則察其所構論於已變

之後以得毀譽公私之微衆諫以效智使君自取一以避罪雜陳衆說以待君之自擇欲以避罪故衆之諫也取君之取也無副言於上以設將然今符言於以知謾誠明主之道臣不得兩諫必任其一語不得擅行必合其叅故姦無道進矣

右聽法

七官之重也毋法也法之息也上闇也上闇無度則官擅為官擅為故奉重無前奉重無前則微多微多故富官之富重也亂功之所生也明

主之道取於任能任事賢於官能守官則賞於
功言程主喜俱必利不當主怒俱必害則人不
私父兄而進其仇讎勢足以行法奉足以給事
而私無所生故民勞苦而輕官任事者毋重使
其寵必在爵處官者毋私使其利必在祿故民
尊爵而重祿爵祿所以賞也民重所以賞也則
國治刑之煩也名之繆也賞譽不當則民疑民
之重名与其重賞也均賞者有誹焉不足以勸
罰者有譽焉不足以禁明主之道賞必出乎公

利名必在乎為上賞譽同軌非誅俱行然則民
無采於賞之內有重罰者必有惡名故民畏罰
所以禁也民畏所以禁則國治矣

右類柄


八行義示則主威分慈仁聽則法制毀民以制畏
上而上以勢卑下肆狼觸而采於輕君之俗
則主威分民以法難犯上而上以法撓慈仁
故下明愛施而務賅敘之政貨務為是以法令墮
尊私行以貳主威行賅敘以疑法聽之則亂

治不聽則謗主故君輕乎位而法乱乎官此之謂無常之國明主之道臣不得以行義成榮不得以家利為功功名所生必出於官法法之所外雖有難行不以顯焉故民無以私名設法度以奇民信賞罰以尽能明誹譽以勸沮名號賞罰法令三隅故大臣有行則尊君百姓有功則利上此之謂有道之國也

右主威

八經每篇逐段為支節意不相屬詞不照應非一片起伏首尾之文也孫武子書亦然一

句一義如串八實纖珍碎玉間錯而不断攢簇會一處若非之此八篇則是也惟不可為後學依據耳



寬政庚申



Faint, illegible vertical text impressions on the right page, likely bleed-through from the reverse side.



